

**Uunga siunnersuut: Allakkerineq pillugu Inatsisartut inatsisaat nr. xx, xx. xxxx 2011-meersoq**

*(Ineqarnermut, Attaveqarnermut Angallanermullu Naalakkersuisumik saqqummiunneqartoq)*

**pillugu**

**Attaveqarnermut Ineqarnermullu Ataatsimiititaliap**

**ILASSUTITUT ISUMALIUTISSIISSUTAA**

**Siunnersuutip aappassaaneerneqarnerani saqqummiunneqartoq**

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Justus Hansen, Demokraatit, siulittaasoq  
Inatsisartunut ilaasortaq Olga P. Berthelsen, Inuit Ataqtigiit, siulittaasup tullia  
Inatsisartunut ilaasortaq Debora Kleist, Inuit Ataqtigiit  
Inatsisartunut ilaasortaq Anders Olsen, Siumut  
Inatsisartunut ilaasortaq Malik Berthelsen, Siumut

**Aallarniut**

Siunnersuutip matuma aappassaaneerneqarnissaanut Attaveqarnermut Ineqarnermullu Ataatsimiititaliaq ulloq 28. marts 2011-mi isumaliutissiissuteqarpoq. Pingajussaaneerneqartinnani siunnersuut suliarineqaqqittussanngorlugu ataatsimiititaliamut innersuunneqassasoq isumaliutissiissummi tassani ataatsimiititaliap inassutigaa. Tassa POST Greenlandip allakkanik ingerlassisarnermi pisussaaffii kisermaassisussaatitaaneralu il.il. pillugit Namminersorlutik Oqartussat nalunaarutissaattut missingiummi § 21 naapertorlugu maalaaruteqarsinnaaneq pillugu maleruagassat inatsimmut ilanngunneqarnerannik kinguneqartumik Naalakkersuisut pingajussaaneerinissamut allannguutissatut siunnersuummik saqqummiussinissaat ataatsimiititaliap isumaqatigiittup isumaliutissiissummi qinnutigimmagu, taamaattumillu ataatsimiititaliaq siunnersuutip aappassaaneerneqarnissaanut matumuuna ilassutitut isumaliutissiissuteqarpoq, taamaalillunilu aappassaaneerinermut maanna isumaliutissuteqartoqarlunilu ilassutitut isumaliutissiissuteqartoqarpoq. Tamatuma kingunerisaanik siunnersuutip pingajussaaneerneqarnissaanut ilassutitut isumaliutissiissuteqarnissaq ataatsimiititaliamit naatsorsuutigineqanngilaq.

**Ataatsimiititaliap allannguutissatut siunnersuummik suliarinninnera**

Ataatsimiititaliap iluarisimaarlugu maluginiarpaa Naalakkersuisut allannguutissatut siunnersuutaatigut maalaaruteqarsinnaaneq pillugu maleruagassat nalunaarutissatut missingiummi § 21 naapertorlugu inatsimmut ilanngunneqartut.

Allannguutissatut siunnersuut 30. marts 2011-meersoq isumaliutissiisummut uunga ilanngussatut ilanngunneqarpoq.

**Ataatsimiititaliap inassuteqaatai**

Naalakkersuisut allannguutissatut siunnersuutaat akuersissutigineqassasoq ataatsimiititaliap isumaqatigiittup inassutigaa.

Tamatuma kingorna iluserilikkamisut iluseqarluni Naalakkersuisut inatsisissatut siunnersuutaat akuersissutigineqassasoq ataatsimiititaliap isumaqatigiittup inassutigaa.

Taama oqaaseqarluni aammalu ilassutitut isumaliutissiisummi allassimasutut paasinnilluni ataatsimiititaliap siunnersuut aappasaaniigassanngortippaa.

---

Justus Hansen  
Siulittaasoq

---

Olga P. Berthelsen

---

Debora Kleist

---

Anders Olsen

---

Malik Berthelsen